

## Pichòtas filhas afganas

Ò filhas, Ò femnas de Quabol  
Qu'aussatz la tèsta dins lo borbolh.  
A la carrièra sètz davaladas  
E la Quarià l'avètz bravada.  
Palm de nas al talibàn colhon  
Que vos vòl botar en sa preson,  
De pelha negra emmantelar  
Per a doble torn vos embarrar.  
De l'escòla vos forabandir  
E puèi lo trabalh vos l'enebir.  
Lo boc barbut nèci e pudent  
Parla d'un dieu que i compren ren.  
Se crei fòrt lo fusilh a la man  
Lo taliban brigand sacramand  
Mas tu, la pichòta filha afgana  
Crentas pas de desfisar l'engana  
Nautres aici cridam libertat  
Mas per tu degun a bolegat.  
Pasmens es mai qu'un vaccin al braç  
Qu'en carrièra te fa davalar.  
Ò filhas, Ò femnas de Quabol  
Solas fàcia al taliban mabol,  
A la carrièra sètz davaladas  
E la Quarià l'avètz bravada.